



Broj: 02-23-6312/20
Lukavac, 23.12.2020.godine

Na osnovu člana 41. Statuta općine Lukavac („Službeni glasnik općine Lukavac“, broj: 5/08 i 1/14) i člana 4. Odluke o zabrani saobraćaja za teretna motorna vozila, broj: 02-23-6311/20 od 23.12.2020.godine, Općinski načelnik d o n o s i

P R A V I L N I K
o postupku izdavanja i visini naknade za davanje odobrenja za ulazak i kretanje teretnih motornih vozila u zonama zabranjenim za njihov saobraćaj

Član 1.

Ovim Pravilnikom uređuje se postupak izdavanja i visina naknade za davanje odobrenja za ulazak i kretanje teretnih motornih vozila kojima je u skladu sa odredbama Odluke o zabrani saobraćaja za teretna motorna vozila, broj: 02-23-6311/20 od 23.12.2020.godine (u daljem tekstu: Odluka) dozvoljeno kretanje u zonama zabranjenim za saobraćaj teretnih motornih vozila na području općine Lukavac.

Član 2.

Na lokacijama na kojima je uvedena zabrana saobraćaja za teretna motorna vozila mogu kretati i zadržavati teretna motorna vozila iz člana 2. Odluke, a izuzetno i vozila iz člana 3. Odluke ako im je to odobreno rješenjem Službe za komunalno-stambene poslove.

Odobrenje iz stava 1. ovog člana se izdaje najduže godinu dana od dana izdavanja.

Član 3.

Za izdavanje odobrenja iz člana 2. ovog Pravilnika podnosilac zahtjeva dužan je platiti naknadu, ovisno od maksimalne tehničke dopuštene mase vozila.

Naknada iz stava 1. ovog člana za period najduže do jedne godine od dana izdavanja iznosi:

- vozila ukupne mase do 2 t.....10 KM mjesečno
- vozila ukupne mase od 2 do 5 t.....15 KM mjesečno
- vozila ukupne mase od 5 do 12 t.....25 KM mjesečno
- vozila ukupne mase preko 12 t.....40 KM mjesečno

Član 4.

Sredstva prikupljena po ovom osnovu namjenski se koriste za izgradnju, uređenje i održavanje saobraćajne infrastrukture gradske zone Lukavca.

Član 5.

Stupanjem na snagu ovog Pravilnika prestaje da važi Pravilnik o postupku izdavanja odobrenja za ulazak i kretanje teretnih motornih vozila u zone za koje je uvedena zabrana saobraćanja za teretna motorna vozila, broj: 02-27-1-13583/19 od 21.11.2019.godine.

Član 6.

Ovaj Pravilnik stupa na snagu danom donošenja, a primjenjivat će se od 01.01.2021.godine.

OBRADIVAČ:
M.B.

OPĆINSKI NAČELNIK
Dr.Sci. Edin Delić